



0 3-758

拜經堂駢體文

古文嗣出

拜經堂集卷之十一 駢體文

駢體文上

攸輿

賀德宗

原名巖

望之

賦三 古賦二 律賦一

聖駕臨雍講學賦 謹序

擬陸機文賦 并序

凌雲塔賦

碑記四 碑一 碑記一 記二

重建辰谿縣 文廟碑

彙請

拜經堂集 卷十一 駢體文上目錄

旌表辰谿縣貞孝節烈婦女紀

恩碑記

南溟老屋記

新建龍陽江石橋記

序四

同館試律彙鈔題注序

陳敘齋麻田詩草序

李雲岳詩集序

吳兼山紅雪山房詩集序

壽序十七

賀鴻磐翁八十壽序

國朝吉 天禧堂 望之 賀德宗 原名巖

陳棠蔭六十壽序

李雲岳六十壽序

陳荆山七十壽序

黃新甫七十壽序

劉赤城八十壽序

宋梅生觀察暨配彭淑人雙壽序

鍾明齋暨配劉孺人雙壽序

曾停雲明府暨配某宜人六十雙壽序

譚耀亭暨配陳淑人六十雙壽序

朱母黃大宜人九十壽序

拜經堂集

卷十一

駢體文上目錄

一一

成母孔大宜人八十壽序

張母李大夫人壽序

張母陳大孺人七十壽序

洪母張大孺人七十壽序

陳母鄧安人壽序

淡然和尚七十壽序

以上賦三篇碑記四篇序四篇壽序十七篇總

記二十八篇

聖駕臨雍講學賦

謹序

皇上御極之三年歲在癸未二月之吉敬循

仁宗睿皇帝初視學之儀展

駕親詣辟雍集生徒講學鼓篋孫志之士承流嚮風爭

自濯磨東西南北無思不服倚歟盛哉臣謹案靈

臺泮宮二詩本爲建學立教而作肄列雅頌而其
義皆主賦故班固以賦者古詩之流亦雅頌之亞
也不揣樵味謹以賦鋪陳其事其辭曰

於鑠哉

文教之隆榮鏡宙合而共浴乎麗鴻也原夫有虞米廩

拜經堂集

卷十一 駢體文上

周曰辟雍表規裏矩環流垂虹辨其方位則郊西

國南之議別按其名義則積壘明和之說叢惟

京師爲首善之地惟太學爲道德之宗我

國家與民更始稽古折衷去磧就塏庀材鳩工增金

元明之所未備豈夏商周之可與同

皇上承

啟佑統垓埏文思廣運道隆自天神明之軌樹漢涌之德

轅治穆於光被之世典洽於敷教之年乃諏吉日

練良辰陳

法駕具

講筵掌舍設極野廬掃塵龍旃日引羽騎雲屯秩天
闈之蕩蕩遵王道之平平坊列名於崇教銜接踵
於成賢趨踰恐後令鼂不塵

天子修禮容以式之秩秩焉閭閭焉蓋將啟軫

東華而有事於成均也時則日躔奎維月軌青陸綿
羽引吭柔荑滿握入神扶輪萬靈夾轂瑞彩茵莖
名香馥郁羣臣之戒方嚴六館之班允肅曰

詣上庠鸞和鏘鏘釋幣陳俎

躬祀

素王敷右文之杓枋秉修道之徽章筵几鬱其嘉栗

拜經堂集

卷十一 駢體文下

二

堂堦矍其齋莊奕奕

廟貌上接文昌沿流溯源舟張鷁鷁爾乃獻終襲吉
候

止輦於夔倫之堂鐫鐘宣開眾奏帙翻立干戚授六變

叶成五音交湊

天子於是講學於

雍宮觀儀於禮囿進藹藹之裔賢羅侏侏之貴胄間

平則宗子分茵阜禹亦元僚接袖上公就列司成

在右以釋書義則誠意正心莫非修身之節候也

以釋經義則擇精守一實爲執中之膚腠也言炳

中天道通側陋曩以儲瑯嬛茲以備薪楨圖書亮
章先命

孔繇自上下下是遵是守

天子曰於未已也理彌推而彌廣語愈析而愈精豈不
思明德於千古豈不欲傳心於億齡余闡明古訓
汗簡殺青固將發其秘而啟其扃也

丹毫露湛

寶宇星明宏宣

御論廣耀

宸廷厯三皇之寥廓涉五帝之登閣摺紳冠帶之倫圖

拜經堂集

卷十一 辨體文上

三

橋門而觀聽者靡不渙然冰釋怡然理順逸若捧
璘儀而燭太清則見禮明樂備同節同和簪裾聲
動巾卷影過市樓翁夢庇其上材碑第巖踞其阿
於以踐登歌之序於以揚皮弁之華羌論道而講
藝異息馬與投戈

勅使傳宣茶

頽經幄活火新泉蟹眼魚目雨腳雪花之名月澗雲龕
之錄家激乳而含膏人凝黃而泛綠師師濟濟既
優旣渥

天子思藻火之皆文驗星雲之並吉眇士習之懇醇喜

羣情之和壹乃返

翠華迴

清蹕申

舊章眷前哲恩從風翺澤與雲密優

懋賞於崇班普

殊榮於散秩曳冠服之輝光表縑裘之品物別銖兩於

朱提配喻糜與松節賢書廣加人材穎出養重乎

老更儀寬乎絲絳下以勸儒風上以光

聖烈帝王之道斯隆天人之應可必且夫人心靡定天命

難謹太學之綱維曰敬虞書之終始惟欽我

拜經堂集

卷十一 駢體文下

四

皇上揚時中之榜垂儉德之箴進

經筵之講重

養正之吟永懷

家法敬佩

玉音然且升香

禮殿施教儒林發蒙振聵致遠鈞深平治則義原諸

古危微則論匪自今義軒巢燧之所莫外濂洛關

閩之所未尋遘大成之咸集如振玉而聲金彼漢

永平之執經下說魏正始之釋奠居歆自

大聖人觀之譬猶泰華之於培婁滄溟之於蹄涔也是

知

聖爲天口賢爲
聖鐸政教同原

君師兼作化被八寅風行六幕流沙蟠木之鄉桂海冰
天之郭學校如林絃誦相錯仰

睿思之淵微煥

奎文之燦爛躋數仞之

宮墻運化工之橐籥胥僉胥龔載歌載嘏相與蹈
德詠

仁漫衍而磅礴爰作頌曰思樂

拜經堂集

卷十一 駢體文獻

五

辟雍典章備兮

先聖先師神所基兮

鸞旂戾止小大從兮講學行禮贊天聰兮

帝舉上儀紹

先德兮丕承丕顯立民極兮福應戢晉道重光兮我

皇受之冠百玉兮

擬陸機文賦 并序

士衡文賦自序以爲述先士之盛藻論作文之利害所由曲盡其妙然於文章源流別派黜浮崇正之旨尙多闕畧暇日偶效其體作爲此篇雖雲間之天才綺練非末學所能津逮要之引伸觸類亦自有不容己者其辭曰

溯書契之肇興知文明之漸起羅萬象於筆端貫三才於字裏被雲漢之昭回融山川之流峙始萌芽於羲軒中包孕乎姚姒啟至德之苞符增儒林之壁壘合孔思與周情皆含商而嚼徵用以徵軒豁於乾端坤倪而驗根柢於經緯史爾其賦宗荀况騷祖屈平景差繼作宋玉齊名緣體裁之既判遂彼此之相輕師醇茂於賈董問經術於向衡參淵雲之妙墨發枚馬之新聲嗤蔡張之繁縟援遷固以爲程莫不雲蒸霞蔚鼉吼鯨鏗耀三辰之珠璧宣六代之韶韻蓋求斯事之長必審立言之用憑意匠以經營本性靈而錯綜或濡筆而腐毫或輟翰而驚夢或疾感於苦思或氣衰於默誦窮變態於九天湊單微於一縫徑路絕而風雲通渣滓除而懷抱空苟得意以忘言故欲擒而先縱其

寄情也能感頑豔其談理也可析秋毫其炳以蔚也如掃南山之霧豹其闕而肆也如瀉曲江之風濤信予懷之杼柚歸物象於鈞陶既披文以相質亦洗髓而伐毛納須彌於芥子校蟬蛸於巨鼈道愈微而愈廣曲彌寡而彌高然後響極鏗鏘鋒成廉鶚雅韻泉流清思露落擷六籍之膏腴抽百家之秘鑰心耿耿乎山林體煌煌乎臺閣放寶藏之光明任環中之騰躍妙自合於方圓初不煩乎繩削見小者惑比測蠡拘墟者驚猶向若固知天地之至文非雕蟲之所能託若夫怪奇之語淫靡之

辭別驅橫驚錯矩備覘滄海非無流芥鄧林亦有枯枝明堂所不屑用齟管所未及吹空損功而費日若鏤冰而凝脂慚志士之好古愧詞人之趨時非力疲於十駕卽借少乎兩鳴雖標新而領異難式靡而起衰是知學誦虛車義徵先路傳以往聖之心約以前賢之度寄逸興於烟霞託深情於毫素存百代之典章備一朝之掌故春容乎大篇寂寥乎短句語小則纖悉靡遺語大則垓垓畢具追柱下之藏書邁長楊之奏賦藉黼黻乎隆平垂金石而永固

凌雲塔賦

以文明以健中
正而應爲韻

稽攸輿之勝蹟訪近古之遺聞山接衡而挺峙水
滙洙而中分西漢時建置之都星衢塞霧定王子
分封之邑雉堞排雲論形勢則地踞上游百里將
窮遠目挹秀靈則人懷樂土千秋未喪斯文卽茲
塔之巍然有基勿棄知是邦之賢者締造維勤懿
夫塔之初建也陰陽辨位向背殊情捫參厯井斬
棘披荆砥柱當中作全城之鎖鑰迴瀾旣倒任眾
派之縱橫工則度之止基廼理卜云吉矣不日斯
成術本青烏遁甲之圖並出符徵紫蓋生申之嶽

拜經堂集

卷十一

辨體文上

八

同榮聳宏瓊之崇規無嫌草創敞奇瑰之峻宇屢
放光明則見匠石程能工師奏技斧修月以飛揚
斤運風而披靡削成宰堵非關舍利之藏湧現浮
圖疑是天龍之指象銅臺之森列拔地千尋仰輪
相之高張去天尺咫塔隨雲起依稀闔闔前門雲
逐塔飛髣髴長千古里用誕敷乎文德理固宜然
斯肇錫以嘉名初非無以於是倒插烟霄遠離塵
坳雲氣霏微雲容秀曼入於漢而見位之尊上於
天而占德之健飛來絕頂昭回思雲物之書望到
層巔縹緲訝雲旗之建妙通法海擊浪何止三千

精貫人天記程定符九萬昔長卿奏凌雲之賦允
奪先聲若坡老作凌雲之游殊難並論徒觀其巒
平磴峭木拔道通收東江北江之秀攬文清文浦
之雄港接陰山杵聲鞞鞞門臨西閣鐸語瓊瓏矗
起孤尖穿破千層積素平添一角分開百道長紅
迎葉周遭亭亭物表旃檀供養靄靄寰中已足稱
大觀於三楚而豁遠眺之雙瞳豈知制準比邛道
衷先正所處者高所積者盛拱衛乎形勝之區維
持乎人材之柄鴻鈞氣轉邑運偕世運俱亨福地
陽回天文與人文互映矚仰攀乎南斗級可潛升

孰高摘乎北辰梯堪入詠捲起輪囷之勢肖形已
自莊嚴孕鍾草莽之英立教何妨清淨時則輕車
電掣駿馬星馳尋聲寄興攘臂探奇聽塔鈴之替
戛愛塔影之迷離鶴倘能招矯矯王喬之舉風如
可御飄飄列子之思欲叫天闢誰其應者恐驚帝
座夫豈遠而譬諸觀海峯前表異於中秋之夕如
彼慈思寺裏題名於三月之時方今

聖天子久道化成休徵響應祥開甲觀光遠被乎彈丸
瑞靄辰階步先嚴乎捷徑瞻崇構之鼎新記偏隅
之佳勝雨收雲斂屹矗以撐空雲繞烟霏紛陸

離其出定豈必傳燈東土奠幽居開士之林庶幾
作鎮南維增慧業文人之證

凌雲塔在攸縣治西距城二十里馬鞍山上嘉
慶丙子年建爲一邑水口關鎖俞東驪侍御來
攸以此命題觀風諸生童因擬是篇頗爲侍御
所稱許姑存之以備掌故云 自記

重建辰谿縣文廟碑

道光紀元之四年龍集甲申德宗捧檄來辰職司秉鐸敬循故事祇謁

先師按墜形則山川皆秀瞻廟貌則氣象稍卑訪及紳耆參諸志乘自元明以迄

昭代由下隲而遷高原建造者非一人增修者非一日大都移舊宮之締構作原廟之榮椽土事不文木事不鏤後之人補苴罅漏藻飾休明雖有考屋揆日之謀究無革故鼎新之實也古者鸞旂澄止芹藻薦馨釋奠之儀下行乎郡國司存之責特選乎儒官是以圓海激天

拜經堂集

卷十一

研禮文上

十一

環林拂日家陳車服習禮皆濟濟諸生帝御講堂說經亦莘莘胄子祠崇先聖徽稱表貞觀之年殿署大成寘服正熙甯之代過昌平之里數百言褒德建碑準都監之堂七十子圖形作贊通諸學校懔此神明煌煌乎道暢羣邦風流萬宇矣辰谿人敦古處士好文章循夫子之宮牆無忘美富執上丁之牢醴相率駿奔猶恐制度未宏儀文弗備壽宮靈坐久弊風霜曲屋步欄頰穿烏鼠丙戌之冬邑紳士周麟現張明聽孫艾藻劉安國劉潛德張明簡劉昌楨等同謀展拓有事經營釀重金購買廟後民房一區創建崇聖祠而以舊崇聖祠基地改

爲大成殿公舉舉人劉榮批文武生員劉開鑑劉曷張
仁聲劉家聲張仁全楊發良楊祥泰劉昌期米其珩楊
宗元張良中易子俊瞿應黼陳光家鍾興仕張良岱監
生劉家裕等董其事蠲吉日以程功度鮮原而啟宇面
山臨水據全楚之上游麗紫浮丹采公宮之遺法仰規
宸象控制三階遙指斗車昭回七曜鑿生民之耳目聖
教如新聳率土之觀瞻先知獨任其前則戟門特起鎮
以櫺星其旁則兩廡對居承以器庫舞佾歌詩之位考
鐘伐鼓之亭莫不中矩中規如幾如式此一役也有三
善焉往者學署苔淪精廬蕪沒官解鹿身之所吏無聽
拜經堂集 卷十一 聯體文上 十一

事之庭一自書記考工贖不妨乎署尾匠呼將作屋差
免於打頭遂爲作廟之先聲不負通經之雅望此善之
兆於未事之先者也初偕眾議卽及考棚繼順輿情並
移講院掌事則餘財可振人奉權輿鳩工則累級而升
地平險阻簷楹股引修廊度南北之筵號舍翼張列座
分東西之廡遂使鵠袍入試共賀鶯遷魚貫聽名同思
鯤化此善之成於旣事之後者也矧屆忠節祠成之日
適奉彙請旌表之符稽其時則

國朝百八十餘年孀魂待闡核其數則合邑百二十八
口苦節宜彰已寡婦臺築懷清被君家之雨露劉義桓

門標景行分泮水之蒸嘗天誘其衷神降之福此善之
合於當事之時者也尤可異者校舍建於甲申而乙酉
捷武榜者二人禮殿成於庚寅而辛卯舉文闈者二人
舉武闈者又一人騁攀桂之能技原非一集射鵰之手
中必疊雙此則早厠國賓齊登天府賢能地望排成玉
筍班中科第因緣結自藥珠宮裏謂非隆俎豆馨香之
報荷聖賢呵護之靈而能若是乎是役也經費二萬緡
而財不告匱督修三四載而人不知勞聖人百世之風
式茲巖邑儒者一都之會成此鉅觀冬禮春詩競懷師
訓南宮北宅爭效子來文翁之刀布紛陳魯國之絃歌

拜經堂集

卷十一 聯體文上

十三

並集德宗瘵官是懼稱職未能方觀與歌合舞之儀敢
忘蹈德詠仁之事雖無椽筆繼五雲太甲之詞尚有典
型廣四海淵源之議銘曰

西山峯峻辰水流長鬱爲窳奧環擁金湯邑小而固民
愿而良思維風俗舊有典章於穆清廟秩祀素王依城
負郭背陰嚮陽輝分太乙象發瑤光文明大啟教思攸
彰如殷之序若周之庠修其軌物聿以倫常璞彫斯潤
金鍊則剛出培令器入貢朝堂烟霏霧集雲起霞襄賢
關遠到聖域高翔豈惟儒雅紙墨琳瑯豈惟廡仕門第
金張杏壇春暖槐市夏忙仰瞻棨栢俯矚堂皇笙鏞在

列爵尊成行頌推薄茆雅重維桑藐茲百里昭我三湘
冠裳奕奕劍佩鏘鏘爲文學藪爲節義鄉亘千百祀福
蔭無疆

宗仰初唐奄有王楊盧駱之勝義山而後此其嗣音
教弟孫均銓拜識

旌表辰谿縣貞孝節烈婦女紀

恩碑記

從來重熙累洽之朝必有大澤鴻恩之布聯駢溫綍下
遠閭閻幹運碩儀旁徵閨閣髣髴之特見詠於柏舟恤
緯之發興嗟乎蓬首用表民風之厚式彰王化之醴意
至深也典至重也我

國家敦崇節義嘉尚彞倫禮官明激勸之文曷吏聽臚
言之採核其年例

旌厥里居而猶恐其未徧也迺發

德音垂

拜經堂集

卷十一

駢體文上

五

清問舉年代遼遙之苦操及志乘湮沒之窮孀果協輿
論悉加褒獎蓋緣今兩江制軍安化陶公撫江蘇時允
士紳之請廣錫類之仁始彙奏於毘陵繼推行於建業
竟成例案移檄鄰封轉下藩垣飭知屬邑辰之人於是
徵文考獻微顯闡幽閱歲百八十餘霜得人百二十八
口由校官而申大府經屢駁而後疏題計自戊子以迄
壬辰已五稔於茲矣

俞旨初頒傳聞倍切覲羣情之雀躍喜達重泉膺累葉
之龍光春生朽骨本兒女子精專之志入

大聖人鼓勵之胸遂使正氣長存貞風普扇天雖傾而

媯皇可補海未竭而精衛堪填草解相思拔心不死木
成連理合抱猶榮玦握掌中流作人間碧血粉書扉上
換來天際黃麻其間壽夭雖殊安危亦異要之從容就
義哺諸孤以待盡之年慷慨捐生畢殘喘於所天之側
事皆非易爲豈獨難宜乎

九重之雨露均沾百世之聲光並茂也已且夫揚芬表
烈朝廷變俗之微權也宣德達情博士守官之常職也
皇上念編氓之眾重行義之高

勅賜帑金同標綽楔紀專祠於令甲靈安一堂隆特饗
於上丁禮尊二仲寵命較延鄉而益大恩施推石筭而
拜經堂集

卷十一

駢體文上

六

咸周德宗際會休明遭逢曠典渤海夫人之行未阻庚
郵廬江小吏之篇皆蒙

乙覽因曹娥改上虞里爲巴婦築懷清臺又得邑孝廉
劉榮批諸生劉開鑑鍾興仕張良岱等竭意搜羅不遺
蕉萃鳩工率作兼盡鈇規於以樹壺師於以明陰教蘭
馨玉潔續裴逸民女史之箴月苦風酸上湛方生貞姬
之解庶幾輝茲彤管挺峻節於靡涯照我青編感
皇仁於勿替云爾

南溟老屋記

南溟老屋者明正統間紹祖紹高兩公之故宅也踞邑治之上游隴邨墟之勝概林臯明瑟溪澗崢泓寂寥同揚子之區湫隘異晏嬰之市始則山推大小點允並棲繼則解列東西機雲分住葉鮮荆枝之悴華繁棟鄂之榮駸駸乎修竹名家青楊稱巷椒聊之實蕃衍於百年葛藟之根盤深乎九族矣嘉慶辛未余以賦閒之暇倡爲重建之謀經始以勿亟相規落成而斯干載詠門標通德康成之世澤常新里署集賢裴令之音徽未遠其左有地長十笏買自二房一撮之畱皆原於祖德數椽拜經堂集

卷十一

駢體文上

七

之葺將永爲孫謀藏祧主於東簷潔神廚於下室時親胖蠶節羹則粥之誠小坐團焦義犬慈烏之應顏之曰南溟老屋紀實也慨自玉杯易破金盞難完鬼燔縻竺之居天惜田游之宅值前明崇正之末造閱我

朝康熙之盛時乃襲往基共成今廟酈子罷無歸之嘆庭堅紆不祀之憂然而前襟後裾了無餘地南闈北甬盡屬他人訪五架之頽垣楹書安在問兩家之夙構廳事僅存斯前賢未竟之功卽後起難寬之任九柯十匠畧運斧斤萬壑千巖悉歸懷抱開李氏魚川之壤續韋家花樹之歌譜亭本之老泉祭禮遵乎元晦此情此景

生雲初孝弟之心某水某邱指高曾釣游之所時或命
儔嘯侶課藝談經問字之酒紛來束脩之羊逕至入崔
儼室定讀五千卷書與史遷言須行二萬里路十事九
知之對一門七業之貽矜式當時楷模後世雖乏張朱
武文之貴猶存陸顧忠厚之型在昔韓滉思親門無列
戟謝安遺愛舍比甘棠還陽羨之舊居路人感泣贖文
貞之故第天子興悲奐輪美閭閻之觀蘭綺仍開閣之
素類皆恥隳先業恪守做廬棟宇飛翔猶聞燕賀賓朋
落寞不厭雀羅至如某者梓敬徒殷萍飄靡定方誦還
歸之什又賡行役之章撫俎豆而徘徊立堂皇而悵惘
拜經堂集

卷十一

聯體文上

六

經營五載惜別一朝草木有情俯寒塘而蘸綠園林無
主依虛幌以延青鐘虞高懸憑空振響几筵肆列望遠
居歆感秋霜春露之零增上雨旁風之懼此日箕裘付
託誰爲繩武之替人他年衣鉢流傳我是開山之行者
嘉慶二十四年己卯九月日記

新建龍陽江石橋記

辰谿縣南九十里有龍陽江焉納九溪之水匯百井之流亂石激湍懸崖夾岸桃方華而淫霖集匏有葉而利涉艱居人阻浩浩之波行旅扼憧憧之路昔之人以其當芷麻二邑之衝也臨渚立磴架木成橋覆之以駐足之亭護之以周身之檻無如時逢盛漲莫禦驚濤屢募補修輒遭漂沒呂母之施難繼陽侯之怒愈深於是以石易木之議起焉上候天根下規地肺盤基則沉之石鼈豎柱則入以蹲鳴繼長增高勢將空鬪縋幽鑿險力與水爭譬初月之出雲高懸絕巘疑垂虹之飲澗巧構拜經堂集

卷十一

駢體文上

九

飛梯雁齒排連鼈身橫亘長不必如河厲大不必如漢梁然使後之人刻畫鞭痕興思羸氏摩挲手迹緬想公輸亦可知作者之心勞而征夫之利永也且自余之來爲辰谿也諸工並建百廢咸修值邑運之方昌因民情之向善若茲橋之經營孔亟創造維新一時之畧約初更千里之津梁徑渡瑰材櫛比丹雘蜿蜒高可六尋表踰三丈亭以間計者五檻以圖計者雙非不壯且麗矣原其始煉石未能點金無術量入以舒其用優出以厚其備雖蔡端明萬安縣之謨杜元凱富平津之烈以方斯舉益見其難蓋彼則傾府庫之藏無施焉而不可此

則較錙銖之積稍用焉而卽窮也是役也興修於道光
壬辰 月告戴於甲午 月董其事者里民包禮定張
天玉爲之倡索余文者庠生劉漢西胡道魁觀厥成余
自惟題柱願虛濟川才匱有刺史覆車之懼無文成授
履之期徒以望忝師儒職司文字猥蒙譖詆敢廢挾張
竊謂邑之中溪澗交橫道塗阻隔誠得輕財之士發爲
好義之思倚石聚而事不待時徒杠成而民未病涉薛
惠之功不朽崔公之澤長存豈惟壯鄉邑之鉅觀亦足
補有司之善政豈不懿與

同館試律彙鈔題注序

原夫騷經尊楚叔師揚正則之波選學授曹江夏樹維
摩之幟拾羽陵之蠹屑搜秦壁之灰餘腋集千狐琴成
百衲尋其體例則若網在綱按厥指歸則如鍼通結多
識於鳥獸草木以成爲黼黻文章所謂詞苑之鄧林注
家之星海也

國家觀文成化建極敷言薰香摘豔之才榮邀

帝鏡書笏珥彤之手巧構天機莫不祖述風騷熟精文
選永日鬪花瓢之麗中宵分蓮炬之輝至於詩限五言
體拘八韻蓬山校藝夜來明月之篇棘院掄材江上青

拜經堂集

卷十一 聯體文上

三

峯之曲擅清新於長慶人握隋珠追道整於景龍家操
和璧此梧門先生同館詩鈔之所由作也獨是行營給
札祕殿分箋數典則富於倉曹摛華則誇於學府天名
兜率金繩寶筏之精地是瑯嬛紫字丹書之奧繫彼鴻
都多士聞見未經計惟虎觀諸儒源流盡剖往者坊開
刻本約選成編傳詩教於毛公先標小序采樂歌於茂
倩首繫解題隸古寫成常侍亦南唐之俊蟲魚疏就景
純誠東晉之英惜乎卷帙無多一斑究非全豹篇章有
限千蹠豈在隻雞嘗滴水而滄溟之味難知掇碎金而
祇樹之林未布推其流弊厥有數端大抵一孔之夫恆

多目論咫聞之士但信耳談本乏鈎稽蟲書則疑生巨
擘轉相販賣鼠璞亦誤作遐琛疏麟閣之闕文曾無惠
蔚守兔園之遺冊尙有瀛王簡陋貽譏愚蒙等語此其
一也卽或奇蒐雕鶚怪演靈夔對三桓七穆而靡遺數
萬戶千門而悉徧卒之網羅雖富博雅自矜小生論曲
水之杯支離愈甚博士書買驢之券汗漫無歸四千卷
旣句殘膏百兩篇更增贗鼎徒工獭祭難語驪探又其
一也甚且易烏爲烏帝三成虎作者偶沿其誤注者竟
離其宗傳說祈星猥稱殷相常儀占月幻作羿妻骨母
無場錯認廣陵之地禦兒非讖交迷勾踐之鄉烏出谷
拜經堂集

而呼鶯何關登第風過簫而從竹豈易感人遠爲梨棗
之災絕少鍼砭之益亦未足云前修之誦友試帖之功
臣矣暇日操觚丹鉛隨記逾時發篋紙頁遂多浥諸老
之菁英久將心醉茹古人之糟粕終恨腹枵鄙釋桑經
惟濫觴於北地郭偷向注空染指於南華中山王文木
之篇姓名改易温飛卿湖陰之曲句讀混淆自來撰述
之難多苦拘墟之失而况蘭臺寶弄緘在仙都石室珍
藏貴同祕錄青未然乎乙杖白虛擬乎丁籤鞠通有食
墨之名脈望無逢仙之事識如捫燭安知日月之光見
比測蠡不信蓬瀛之遠以茲致諷亦復奚辭然而才愛

靈均芬流七澤地鄰建業豔侈六朝假良友之贈投嚴
及門之督課因題析義得解謀篇記事珠存庶不忘乎
前軌回帆擲小亦有合乎正聲取備試檐留傳家荷固
非挾荆山之片玉而欲享敝帚以千金也

陳叙齋麻田詩草序

往時讀杜溪陳氏家集仍世風騷一門儒雅振英颺於
巴蜀軾轍連鑣鬱文棟於吳淞機雲接踵清響躍筵賓
之鐵元音知姑洗之鐘宮徵均調喁于互應何其盛也
叙齋先生以後來之雋綜家學之成縟旨星稠奇情綺
合柳文昌捶琴覓句邱令楷擊鉢成篇片紙徐黏卽是
楊公衲被七層雜列都歸白傅陶瓶擲地則金石騰聲
挾天而風雲變色駸駸乎摩曹劉之壘而登李杜之壇
也已今夫虞筆廣談更相嗤笑盧前王後故作低昂僧
戶推敲乃長江之澀體驍壺伴侶是陽五之淫辭雖竭

拜經堂集

卷十一

駢體文上

五

雪車冰柱之能僅成相顧鄂花之樣卽或縱談格調標
舉性靈而集腋者但取一狐食雞者未盈千蹠壽陵餘
子學步邯鄲優孟叔孫肖形楚相天吳紫鳳摧殘豈雲
錦之裳塵飯土羹腐臭非鼎烹之味求其舉千鈞而曠
不絕築百堵而棟不撓者蓋亦尠矣叙齋鍊學於才運
思以氣豔芙蓉之出水皎楊柳之臨風跡其掉鞅名場
承華藝苑爲小海唱神驚江上之波歌大刀頭目極天
邊之鏡燕臺蹀躞幾費光陰梓里棲遲差堪嘯詠在山
清而出山濁今雨往而舊雨還揮筆問天舉杯邀月祖
元珍定推神口柳子厚應鑿方心又嘗覩縷前聞挾張

仁事吐胸中之錦繡抉皮裏之春秋俯仰張王揚鐵崖
原多舊作抑揚南董李文正自著新聲思文武之道存
恥英雄之氣盡敲殘銅斗擊碎唾壺此擬樂府一編尤
足使鄧魴心傾唐衛泣下也既竣剗劂屬作引喞會余
飢策筭將薄遊京洛凍杭桂楫旋涉江淮水隔三秋折
疏麻其寄矣雲停八表思平陸以悠然每撫華篇深慙
宿諾今叙齋秉鐸黔陽之便行舟辰水之旁枉顧荒齋
同申積愫感蜉蝣之身世白髮催人結蟬蠹之因緣青
甌還我登高作賦龍標之遺跡尚存覽古興懷諸葛之
故營無恙江山相助楮墨自多所愧折揚皇苓未通雅
拜經堂集 卷十一 駢體文上 五

奏雕蟲篆刻終悔壯夫他日谷采冷笛津飛神劍固知
佛頭著糞有玷乎丈六金身或者簡末綴名並存於大
千世界云爾

李雲岳司訓明歌詩集序

憶壬戌春始識雲岳先生於都門維時弱柳陰濃流鶯
語滑漲添新綠塵踏軟紅家占造勝之天人望登瀛之
路棗餠祀我蓉鏡還君先生則浩氣行空澄懷映沼蕉
中覆鹿何必非真矚下窺龍終疑是幻聽褒譏於眾口
決得失於寸心固已逸志風高冲襟月上而猶未知其
能詩駒光易逝萍聚不常小別廿年相思千里今夏檄
司辰鐸道出郡城狹路班荆誰識當時伍舉宵分傾蓋
獨憐舊日程生薰先生以風雅之宗任師儒之職已十
有二載於茲矣珠還合浦劍弁延津雙鯉之遺久虛乎
拜經堂集卷十一 附體文十

美

遠客夔雞之局時續乎舊遊因出其詩若干首見示無
不玉潤金相綺交脈注揆諸往事可與長談夫其跋浪
湘江籜雲燕市落日長亭之外秋風古渡之旁收兩戒
之山河都歸掌握摘九天之星斗盡付肩囊縱吟而口
吻生花噴墨而宮商入韻千言并富一字亦精迨夫歷
碌之官蒼茫弔古考三晤之奇跡窮二酉之異聞沅水
西來岸芷臯蘭之境會溪北望蠻烟瘴雨之鄉馬新息
之餘靈叢祠尚赤潘承明之故壘野火皆青思燕鴈之
代飛喜苔岑之同氣主賓迭唱讌賞方興宜乎壁畫旗
亭大有龍標之雅詠歌傳溪洞率多夢得之新辭也先

生曾於壬午秋攝辰谿學事絳帳晨開碧油夕啟問字
進侯芭之酒東修掇若水之羊羅屈宋於行閒撥陰何
於灰裏吳江楓冷好句如仙隴首雲歸離懷似醉韓娥
雖去繞梁之韻猶存荀令暫來入座之香未息僕音塵
繼踵鑽仰徒殷等遇急灘上水難於下水同爲雄伯小
巫怯於大巫分一片之寒氈數皆前定住三間之老屋
事豈偶然載誦佳篇重申芳訊雙心互照四目相看始
信草榻吟晴蕉窗誦雨光生紙尾響落毫端君苗之筆
硯欲焚管輅之鼓旗無敵於以維風教於以贊

治平讀太冲詩皆知有世表意奏相如賦豈似從人間

拜經堂集

卷十一 駢體文上

三

來

吳兼山通守兼紅雪山房詩集序

雙旌引至晴初霜旦之天一櫓搖來紙醉金迷之地錢塘江上偶駐行蹤西子湖邊暫停遊展其時霽峯中承幕尙稱蓮公子旣聯舫以偕行諸賓亦艤舟而待發余乃獨乘小艇夜渡西興見兼山通守於蕭山縣署焉三十年舊雨重逢驚猶夢寐四千里孤篷獨往淒絕音塵悟白衣蒼狗之由談去馬來牛之跡聽更愁短漏轉麗譙煮雪耐寒爐添棹楸因出其所刻紅雪山房詩集見示寓懷於綿邈取徑於蒼茫具越石之清剛兼景純之拜經堂集

卷十一 駢體文上

天

俊上語丰神則落花依草論氣概則巨浪排空亦雅亦風有來斯應爲唐爲宋無迹可求蓋兼山當終軍弱冠之年值小醜跳梁之日齊疏扶觀南越五溪短後從戎西踰三峽瘴雨蠻烟之境蠶叢鳥道之鄉萬騎呼風出入半婁徒之路一鞭敲月崎嶇皆山賊之營暢行役之遙情人多豪氣攬江山之逸趣詩雜仙心及乎削牘入官臨流寄慨轉漕事大首藉宣防問水集繁全資蓄洩屬以軍興之故遂襄幕府之勤磨盾作書據鞍爲几奏橫吹之一曲響合新聲歌大角之三章音諧雅樂以故同僚變色大府傾衿報最則上考類書量移則頭銜遞

換龐士元官居別駕驥足纔舒孔巨卿位次郡侯屏星
不改於是弔錢王之壘訪和靖之廬踐學士之隄汲相
公之井湖分裏外都載恩波浙別東西編含膏雨訟庭
畫靜名楮墨以俱來衙鼓晨喧驅烟雲而不去臨淄侯
借書於手裴子野獨成於心此儒吏之雅懷亦詩人之
高致也猶憶乾隆辛亥壬子間余客泉陵兼山奉尊人
之命修弟子之儀問字慚負乎侯芭束脩濫授之若水
時則王蓬心太守譚琴岩山長咸稱老宿並擅風騷黃
童本江夏無雙崔瞻爲後生第一被其容接加以巖題
每當曉燕新鶯晚菘早韭未嘗不會嘉賓而式讌呼小
拜經堂集 卷十一 聯體文上 无

友以分箋也今太守久歸道山琴岩尙淹江右而兼
獨能強臺直上雄伯無前瀉萬頃之波濤奔騰腕下唾
九天之珠玉照耀人間十首吟成鈔傳海裔一篇跳出
畫入旗亭文章因經濟益尊循吏與儒林同傳猶幸故
人無恙前約未忘欵門印香火之緣握手徵苔岑之誼
一身如幻浪說滄桑百念皆灰徒存泡影君真作者能
爲越客之謳吟僕本恨人莫訝楚僧之面目

賀鴻磐先生八十壽序

衡廬東望梅城實仙界之都翼軫南行鴉尾當壽星之次則有誼高龜鑑心古雲巒會花樹於章家傳青箱於王氏人多上士談橘叟之滄桑客盡耆年紀羊珠之歲月如鴻翁老先生者生而醴粹長更賣孚霜天折慈母之蓼露圃受嚴君之杖雖復專愚學苦須撓棲貧而天爵自尊何妨泉石修能允劭當自庭闈以養志爲完人用克家作孝子懼蚊蟲之去已扇不輕搖傷厠踰之累親褻皆自滌居憂一室王仲濟哀可戕生讀禮三年吳隱之毀幾滅性兼以宗風遞暢祖德彌新涑水書儀先拜經堂集

卷十一 聯體文上

三

嚴世系考亭家禮首重祠堂譜本支於編殘簡斷之餘營新廟於土厚泉甘之地巍然右姓弱翁之裔初興煥矣高門畢萬之宗遂大蔭暘人於樾下九族型仁回寒谷於律中千村頌德齊求岑鼎取信展禽魯受小邾要盟季路先生之才力踰乎人矣先生之忠誠格乎物矣猶且沈酣六籍穿穴百家閉戶編摩等身著述操心則鵝湖鹿洞永示箴規救世則素問靈樞尤資圖注養蒙貴豫闡小學之厄言闡教宜勤續大家之女誠禮隆養祭徇鐸而比於道人易備象占入門而導之先路靡不橫驅煙墨讐校無訛並壽棗梨流傳既遠蓋其少時受

業鄉前輩劉南村先生輕絲豪竹盡識彭宣奧旨精文
定呼子慎本身教以爲言教因經師而得人師固宜傳
道脈於光風霽月之中而味道腴於尺宅寸田之內也
先生於書無所不讀而桐君之錄尤精於事無所不能
而俞跗之心獨擊火調文武三縛全消藥辨君臣五倉
立滿如蘇耽之植橘作井不取一錢視董奉之種杏成
林尙多長物是以丹山氣厚雛鳳爭飛湘水波清叢蘭
並茂菑畚經訓領袖賢宮諸生來祭酒之稱大雅有扶
輪之譽龍文驥子裴寅明河內無雙金友玉昆辛懷遠
隴西第一洵德門之盛事亦仁里之休徵茲當祝嘏之
拜經堂集

卷十一 辭體文上

三

期適值杖朝之日訪老人於河上閒坐古槎微尙父於
涓濱獨垂晚釣摩挲畫閣親紉亥字之文鬢鑠晴愔偶
輯卯橋之詠絳都太史捧瓊笈以俱來碧落侍郎坐綺
筵而不去鹽形似虎酒味稱龍僕也何人歡聞斯會張
惠之思高敏雖屬神交孔融之見李膺實皆世講沃公
僕爵進我徽言他時天祿校書採成

聖世逸民之傳此日金壺灑汁寫入楚南耆舊之編

陳棠蔭明經六十壽序代

洪惟我

國家世際隆平家多曼壽朝則庭堅柏翳翟翬延釐野
則靈甫雄陶觥觥介祉涵濡元氣與物皆春沐浴德華
得天獨厚而況溯長庚之衍慶首戴

堯天周六甲之書年重瞻

舜日貞元會合運值

龍飛晷度流行人增鶴算有不邇偃喬之仙液而晞旗
翼之星光也乎則如明經棠蔭年先生者家於澈谿代
爲著姓大父子任公暨尊甫文華公雲搏水激世業恢

拜經堂集

卷十一

駢體文上

三

宏金馬玉鋪門風鼎盛先生表委卬日發德髻齡立馬
帳橫經羣推筆虎坐羊車過市並美璧人旋入上庠元
禮負楷模之望遂參國子仇香稱賢宇之宗斯時也樂
乾蔭之無虧思義方之有訓凡陶氏圭璋之詠韋家花
樹之歌元齡之屏風集書公綽之小齋會食靡不恭承
先範恪守在規無何萱竟早凋椿難獨茂鸞膠之續既
見於家庭烏哺之私彌徵乎色養鮑君章孝於後母叱
狗無聲翟方進恩比親生封侯有骨感靈泉而駱丞作
頌旌廬墓而樓鑰書門以古況今未之或過且夫哀多
益寡者消息之微權也養寃於枯者陰陽之妙用也先

生當仁不讓有大能謙其主戶事也爲宗祠籌出納之
資其睦鄉鄰也爲里黨核盈虛之數謂趙閭道增價救
荒之策本屬權宜惟耿壽昌減價發糶之謀差堪利濟
劫鼠倉於惡歲活鳩面於流庸冀乎尙已乃先生自舉
明經後顧已尋涯因心作則廣王根之宅棟宇連雲闢
庾信之園梨桃滿樹奇花異草種出天邊複水重山奔
趨鳥下每當春風似翦秋月如珪早韭舒青晚菘散綠
蒲筵晝啟飛北海之清樽蘭膳晨羞補南陔之舊句鐫
多折腳烹殘紫筍浮香杵盡細腰春罷紅杭送響軍持
水滿無事桔槔扶老藤堅卽爲靈壽備山居之樂事愜

拜經堂集

卷十一

駢體文上

三

野客之幽情淑配賀孺人采同木之芝表雙絲之絹山
公雅度識自閭闔萊子高風行偕伉儷椽斛受夫人之
號折夔成諸子之名遂使汗血神駒騰驤乎渥水朝陽
翹鳳焜耀乎丹山但看友于已見科名草盛傳來貽厥
定教旌節花繁先生顧之喜可知也歲惟柔兆辰在執
徐仰

聖壽之齊天同登

壽域感

皇仁之被物共沐

仁恩而先生適逢初度之六旬正屆素秋之八月翔機

景運炳慶昌期賀子晴峯爲子夏之門人其於先生乃
崔昂之婦弟疏君穆行索我微言余昔宰梅城五更歲
齋稔知君叔眞天下信士仲都是安邛丈人曾於按部
之餘與公沙定交杵臼迨至接談之頃知高允言佩弦
韋際此亥字添籌辛盤進酒停雲方賦舊雨已稀用尋
息壤之盟藉作引隍之助所願禮先一飯敬循祝嘏祝
嘏之文庶幾樂奏三終無忘升歌閒歌之義云爾

李雲岳司訓明敷六十壽序

律移陰呂月屆小春松柏心堅挺森森之峻節槐檀火
改換縷縷之新烟則有氣吐長虹髮畱古雪甲子值始
周之候庚寅符初度之徵酒晉延年列青衿之弟子詩
歌難老拜絳帳之先生雕龍繡虎之才鏤月裁雲之手
琳琅照席金碧搖空論其行藏則名高柱下溯其閱閱
則系著隴西蓋我雲岳先生際覽揆之令辰爲祝釐之
高會用陳穆行以紹耆英伏惟先生累代參華在髫顯
志孔文舉通家之對劉士安正字之言大父梅溪公深
器之聚千卷之書思遺丁度畱一方之硯獨與范喬固
拜經堂集 卷二 駢體文上 三

已知祖武之克繩而欲卜家聲之不振矣時尊甫唯齋
公以茂才異等負文學英稱元亭駢問字之人講舍溢
從遊之侶先生聞詩聞禮皆得諸過庭學海學山自嫌
夫畫地與季父將山孝廉互相砥礪彌切研摩晨夕相
於晦明無輟賈長頭之博洽藉甚經師杜武庫之精專
居然左癖遂騰芳於芹沼旋捷步於桂宮鸚薦橫秋已
順鴻毛之路鹿鳴食野爭題藻榜之名三上公車空驚
退鷁一歸銓部卽兆飛魚於是化雨時濡春風晝暖始
攝郴陽之事繼爲辰郡之除門下佳材盡培杞梓籠中
良藥還貯茯苓雖若安定精廬文翁石室以今準昔方

斯茂如也至於禮殿之重修尤屬黔安之盛舉上則請於太守水衡無糜費之財下則謀於士紳編戶有樂輸之誼建茲黃屋藻被

天文繚以紅牆星輝

聖座縱覽奚斯之作世傾豐功式瞻黨氏之碑人思偉烈故政成報最上官之薦牘方登而堂署明倫冷宦之家風自永迄今琴瑟並奏鳧雁相將超宗不愧乎鳳毛遵彥亦矜其駒齒箕裘勿替客兒述德之篇堂構聿新元亮結廬之詠沐

君恩之雨露

拜經堂集

卷七

駢體文上

三

寵錫龍章遊化國之山川清分鶴俸有雷次宗之遠識兼沈不害之多聞鐵板銅絃時呼酒客紙窗竹屋徧召詞人陶寫性情發揮旨趣每分箋而擊鉢或得句而撞鐘大集觥觥卽是長生之籙隆名奕奕便成卻老之丹固將賜靈壽之杖比榮漢相豈止執風聲之木偶算倨佞已哉某等數紀生申祥占出丙偕諸生而習禮合舊雨而交歡修到梅花煖閣紅爐之地烹來瓠葉麻羹豈飯之天進恭公范蠡之圖臥遊俱暢捧坡老觀音之像膜拜亦香索我徽言祝君大董授簡煥雲霞之色抽毫成金石之聲所幸有幹有年請先釋二首六身之義如

其彌高彌劭當更試四牕入達之材

拜經堂集

卷十一

聯體文上

三

陳荆山明經七十壽序

代

聖天子初元之正月握機肇運披鏡開天晷度合符謳歌秘路余祇承

異命自皖入

朝賀君晴峯抱曠遠之思相偕北上而先遣紀綱之僕
邇發南歸因諭余曰同里明經陳荆山先生篤行君子
也含章挺生抱景特立得天獨厚味道能腴今歲孟冬
壽躋七秩盍錫一言以旃飾令儀揆張洪算乎余思夫
延年卻老非徒恃丹石芝精也導美揚休不僅在梨眉
貽背也先生家承華胄生稟異姿辨德輿之四聲對虞
拜經堂集 卷七 賦體文上

三

荔之十事藻流鬢序名冠一軍玉映橋門譽隆三舍雖
復強臺未上弱水空回而連抱之才見甄於匠石大阿
之劍獲賞於風胡米精鑿而已出三春著通神而恆經
五浴其學行有如此者甘羅年少不愧名孫蘇頌才高
斯稱令子良治良弓之後肯堂肯構之餘以敬祖者敬
宗故族譜之亭可作以事生者事死故祠堂之制遞增
况自荆樹花乾鶴原翼折爲家作督視姪猶兒愛顧君
孝有清操知謝宏微爲佳器卒使奇徵犀角美擅鳳毛
乘萬里之風少文動色博三公之望彭祖著聲其孝友
有如此者夫三君八及之賢四雋二仁之彥類皆豪情

發越素尚清超嘗急病而讓夷亦在剛而能斷先生言
珍岑鼎諾重黃金平鼠牙雀角之爭痛歎舌鴟音之習
廣仁粟義漿之布巖貪泉盜水之防一時聞其風者莫
不指酒坐而思車公因墊巾而慕有道其才謂有如此
者自來賢達師表鄉邦凡屬通儒跡矜高尚先生處脂
膏之地負練達之稱縉紳咸奉爲典型當事亦知其丰
采雖鄉城遠隔而民情則每事必諮雖利弊時陳而宰
室則非公不至其知者以爲嶽嶽懷方之概不知者以
爲沾沾自喜之心要之蟬蛻泥中鶴翔雲表同心難得
勁氣孤行介節自貞清風自扇其志操有如此者爾乃

拜經堂集

卷十

駢體文上

七

陶元浴素葆福養冲圭璋之閨望彌新龍馬之精神益
固時或攜樽竹外蠟屐花閒流翫景光縱談節物讀摩
詰芭蕉之畫繙龜蒙耒耜之經寄逸興於懷人曉風殘
月寫餘情於送客秋水野航寵辱不驚興居有節其頤
養有如此者先生向以商瞿子晚景伯兒遲天道難知
人心未厭今則充閭之嗣桂馨乎一山述德之英駒奮
乎千里拓累傳之世澤綿奕葉之家聲次君某卽晴峯
快壻也晴峯篤念姻盟勤宣令德特循乞言之典用索
侑觴之辭余固知名士筵開老人星照泉飛太極襟袖
生涼樹茂恆春須麋變綠黎收而歌束雅稱妮而舞萊

衣濟濟一堂觥觥兩代他時置滿牀之笏列三戟於門
以繼以承而昌而熾較之術窮畢萬契論參同所以躋
曼壽集純熙者又當何如也

拜經堂集

卷十一

聯體文上

四



曼壽集聯熙者又當何如也
此辭也承而昌而熾較之術窮畢萬契論參同所以躋
曼壽集純熙者又當何如也

黃新甫先生七十壽序

從來循良著傳不遺子產家聲慈惠稱師必溯延之庭
誥堂開愛日先傾北海之樽節屆祝釐首進南陔之咏
斟酈泉之菊水籍隸青城餌葛井之丹砂年疑絳縣如
我秋槎贊府以鸞鳳之品爲枳棘之棲鳴弦之佐理攸
彰彩棒之威稜聿著民懷其德吏服其能今某年月日
恭逢封翁新甫先生七十揆辰合境內之歡心振天邊
之雅奏將以躋堂稱慶禮也先生累葉華資夙根慧業
尊甫素軒公珍同拱璧愛若掌珠縱馳驅於典籍之林
資采伐於文章之圃遂成令器不愧名家當是時大翁
拜經堂集

卷上 駢體文上

四

方天爵自尊心安泉石先生則修能允劭首在庭闈習
禮明內則之篇占易得嚴君之象稟黃童之至性幼已
過人抱曾氏之遺經長能養志迨夫芹香滿袖藻采盈
懷旋入上庠屢趨鄉試供職修書之館叨榮議敘之班
其時成親王鄭親王戴蓮士相國彭春農侍郎素號知
人俱邀賞鑑而先生以爲椿萱並茂甘旨無虧但謀洗
腆之資不羨入官之俸於是南踰嶺表北出居庸遇大
府而傾矜過羣僚而擁篲文名之盛兼擅詩名書法之
工並通畫法影傳金粟長康之墨妙通靈限破鐵門智
永之筆精入聖笑香山集存長慶祇易兼金陋皇甫碑

豎福先惟爭匹絹故其在入閩也李惠甫觀察延襄道
幕李芸甫水部聘理鹺場繼以嘆夷內訌諸司奔散時
方旁午事值艱辛先生獨力維持殫心補救息分桐井
王鸞博皇祐之恩賑在牢盆孔僅上咸陽之策不必宏
羊之專利析及秋毫實同衛覬之救時計周權酷固宜
家有猗氏神功之造人懷坡公度牒之休也至於任事
之勤讓夷而急病束脩之問就寡而辭多他鄉歸從弟
之喪客路濟窮交之困可謂仁心及乎物而義氣信諸
人矣今秋槎贊府之官船溪也先生方爲粵海之遊未
鼓湘江之棹然聞其馳來黃耳奉到素緘謂官不論崇
拜經堂集

卷十一

駢體文上

聖

卑一命亦能利物地不拘廣狹一隅亦可圖功是以我
秋槎贊府庭訓克嫻官箴無忝每興懷於綵服時仰望
乎白雲幸際稀齡杖履享優游之樂式增厚福家庭多
聚順之徵萬石門風奮還傳建大邛世澤紀更及羣盼
日下之

龍章一庭

紫誥瞻雲間之鳳羽七葉金貂迺者不夜城邊花新紀
候恆春館裏草暗含香客盡持籌望青牛而東度人皆
吹遂奏黃鶴以南飛爰俯納乎輿情得遙申夫巴語君
子賡萊臺之句小人樂蔽芾之詞嶽鎮在南於以指南

山而作頌申生自北行將祝北斗以挹漿

拜經堂集

卷十一 雜文上

三



山而作頌申生自北行將祝北斗以挹漿

劉赤城先生八表壽序

香山東峙崇高表富貴之鄉。伯水西流奧衍成神仙之府。况乎風臻淳古。世半眉梨。運際麗鴻。家多鮀壺。涵濡元化。作王國之禎祥。敷布德華。示老成之典則。正不必糧餐丹石。粒餌脂精。而後可等壽松喬。比齡旗翼也。則如赤城先生者。母妊未剖。已映長庚。兒齒方孩。卽通六甲。時封翁靜川公。炊累萬物。陳揆五行。漢重八廚。本英流之濟世。周尊九府。在豪傑之識時。先生與伯兄。蘅皋明經。丕振家聲。益恢門業。壘吹簷。應信難弟。必有難兄。梓接喬交。非是父不生。是子室藏。金穴美輪。美奐之微。拜經堂集

卷七

酬贈文上

四

山擅銅陵子。取子攜之便。志行早傳諸閩史。姓名遂籍乎朝班。而先生自升州司馬。後遠跡崇情。深中篤行。謂紫陽家禮。首建祠堂。謂白鹿齋規。先嚴黨塾。矢尊祖敬宗之念。擴守先待後之恩。修政於家。則私傾越橐。樹型於里。則眾破慳囊。遂使續命田。腴讀書種。盛資無濟。困人沾升斗之餘。解忿息爭。戶享和平之福。至於仁心爲質。善事陰行。賑北地之飢民。預籌則村墟不擾。結文昌之勝社。有急則庶姓爭趨。同善堂中。邑人共推爲盟主。與賢局內。當事亦藉爲先聲。修成雁齒之橋。俾資津逮。剷去羊腸之路。必使砥平在釋氏。日前因於道流。曰緣。

法此他人之義舉皆先生之緒餘是以鳳集丹山駒生
渥水令子盡象賢之選諸孫皆繩武之英或翔步於環
林或蜚聲於壁沼祥徵五世斑衣之舞陶然瑞靄一堂
朱芾之皇爛若往者值古稀之慶發曠遠之思爲衡嶽
之壯遊踐向平之舊約今已星霜十易氣象更新胡伯
始之心力未衰桓君卿之精神彌固軍持一具可挹酒
漿柳栗兩條卽爲靈壽聲爲律而身爲度言有物而行
有恆德望增隆名譽益廣

天子重引年之典百官隆側席之文行見駟馬安車微
書自

拜經堂集

卷十一 駢體文上

五

九重捧出蒲筵藻席養禮從

三殿頒來美意延年修德獲報其爲樂也庸有旣乎某
露冕觀風褰帷問俗夏生光迪偕翁晉謁稔知期逢降
昂節屈生申奏鈞天廣樂於屏間萃位業眞靈於座上
青瞳炯炯氣海常盈素髮飄飄神峯並朗香浮玉液羣
賓進不老之觴瑞靄朱闌滿砌種長生之草闡臺萊之
雅韻達祝嘏之深情用綴蕪詞佐稱康爵授簡在老人
星下抽毫向名士班中此日採到靈芝已交推商山之
四叟他時培成萊竹當更賦淇澳之三章

宋梅生觀察暨配彭淑人雙壽序

代

道光乙酉夏欽承

簡命來守黔安凡百鉅艱實資令長維時沅陵宰宋君少梅以清華之胄領赤緊之封鳧鳥飄然入覘仙氣牛刀莞爾吏有儒聲語以神明清水之賢能第一試諸盤錯朝歌之政最無雙乃知林下雋才咸遵家訓坡公長子不愧父風飲水思源陟山循麓固其所也惟我梅生先生豫章望族京兆名宗一家聯玉筍之班累代厠金閨之籍自經初度卽證夙根償學諾之麒麟對能言之鸚鵡彥通入座人皆畏此後生聖俞爲文彼已驚其長老是則蘭筋未就森然騏驥之姿珍幹方萌鬱若棟樑之氣者已跡其擷芹綺歲攀桂韶年旣魁墨榜以書名因授儀曹而觀政口含雞舌郎官本應列星手握蘭香粉署爭呼才子南省之冰銜已換西臺之鐵柱將簪天子以蜀役苦繁出爲蜀中太守又以粵嶮多壞擢爲粵西監司富貴逼人風雷莫遏勳名振世咳唾俱驚此遭遇之隆也至其吐鳳之才尤詡射鵰之手初趨郡試早冠軍繼隸秩宗兼參書局識金根之故事帝虎無訛校石室之遺文魯魚盡掃當乾隆庚戌萬壽歡臚百韻之詩洎嘉慶丙辰初元說衍

拜經堂集

卷十

聯體文上

哭

十全之頌長楊奏罷

九重邀特達之知文綺頌來兩次荷

上方之賜皇哉

盛典得與纂修茂矣禮闈旋充提調此學行之美也其始至蜀中也屬川陝用兵之日有巴渠護餉之行從烏道而前朱提百萬登巢車以望鐵騎三千專賴撫綏更需彈壓尋攝敘州之篆卽分嘉定之符地本健爲原多文學人如召父應課農桑靜邊塵於小醜之羣九消赤白平猥匪於大叢之境局定蒼黃上慰

天心下符民願其觀察粵西也桓寬著論令出而奸不

拜經堂集

卷七

駢體文上

七

生衛覬遺書物艱而利愈厚時陳臬事屢雪冤黎茲式用中司寇蘇公之由獄惟明克允士師臬陶之恤刑寓秋肅於春溫本陽舒爲陰斂此經濟之宏也賢勞懋著薦剡頻登方將假召虎而旬宣付萊公以鎖鑰而先生以爲名場局變宦興全闌老屋園荒鄉心倍切孫綽紀遂初之賦陶潛畱歸去之辭尋芳百丈山頭宜還舊主築室百花洲畔暫作寄公賀監乞湖豪情不減彭城捨冕樂事彌增主講枌榆藻席蒲筵之典聯吟香火籃輿竹杖之身雖天下蒼生都望謝安再起而洛中故老偏宜裴令偕來德配彭淑人尊且能謙貴而善下揚閭中

之令範堪備婦箴扇閫內之徽音式彰母教故能折莛
勵志封鮮明心令子旣挺其英姿諸孫亦標其峻格守
青箱之世業推黃散之門風聞少梅每厯一官先生必
申一訓冀爲尹鐸嚴繭絲保障之分勉作陽城辨撫字
催科之等俱可勒成縣譜垂循吏之準繩編入州書樹
神君之圭臬矣余與少梅昨曾共事今又同僚欣開愛
日之堂謬奏壽人之曲白雲一片嶺上交飛綠野半畦
天邊獨闢旗翼之星方耀眉梨之貌自春白髮相莊偕
隱依然二老

紫泥疊錫沐光已逮三朝他時纒帛重徵看使者勸蒲
拜經堂集 卷十一 駢體文上 果
輪之駕此際瑟琴並韻聽眾賓晉菊水之觴

鍾明齋暨配劉孺人雙壽序

孝隱士家稱素族人地並高褚先生遊共白雲王侯不事而况梁春對賃萊畚同操琴瑟均調囑于遞唱劉綱有婦人間畱不老之丹張碩得仙世外衍長生之訣炳聲名於當代德厚信在錫符策於後昆機翔暇集如明齋年臺先生者鍾吾右姓楚芊名宗始祖伯玉公五馬宣威遂遷居於辰水曾祖其瑞公一官耐冷曾司訓於平江里居則世著高陽門第則人誇通德先生生而岐嶷能讀父書長更矜莊思繩祖武願以仲宣之體弱復兼叔寶之神清背去奚囊都是嘔心之具捃來逸竹幾拜經堂集

卷十一

駢體文上

完

爲傷命之由遂致絕意揣摩棲情游息升諸國學名在上庠時則一領斑衣萬釘寶帶樂椿萱之正茂雅補南陔潔免薨而皆甘儀修內則雖屢值喪明之痛終恐傷垂白之心人第見其晨昏之色養爲難而不知其內外之推恩最廣齊景致少姜之卒魯莊服王姬之喪烏豈恤功愛人及屋雨能潤木自葉流根卽此一端足賅萬善而德配劉孺人鳴雞有警叱狗無聞洗手作廚下之羹尊章色喜同聲讀房中之曲婢媪心傾無愆井白之賢克副藁砧之志魯姑行義春滿一門鄭姆贍姻澤流九族故先生得以竦翔仁氣曲暢義風田券可燔何必

馮煖之績魯圃堪指卽成公瑾之名活溝塹則方散千
金執鬼中則櫬營六檟橋通畧徇路劇崎嶇平鼠牙雀
角之爭嚴讓水廉泉之辨莫不助由閨閣贊自房闈泊
乎瑞兆金桃祥徵繡紱封胡過末謝家以俊秀稱兒酪
乳醜酬穆氏以珍饈名子當譚曉園李白橋朱俊升諸
君通材宿學司鐸郡城先生皆與通縞紵之歡哲嗣因
得受朱藍之益鄭有融之澹藹瑞玉晴川周茂叔之和
平光風霽月隆聲颺起雅韻藻流又復尊禮老成網羅
後進于焉嘉客永朝永夕之留所謂伊人溯游溯洄之
慕使諸子上承圭臬下湛蘭蓂長者皆聲雋一鬢幼者
拜經堂集

卷十一

聯體文上

五

亦書劬三篋海洋林之佳話卽珂里之休徵茲當覽揆
之辰適協祝延之典寶發與少微互映珣弧共綵輓齊
輝仲海季江黎收肅拜嬰媼姒婦稱姪分行乘城皆之
小閒雙垂鶴髮際舍飴之餘暇迭獻兕觥風詩詠偕老
而諧音樂府陳壽人而叶奏某牽絲入境露冕觀風非
公事不見澹臺以布衣而交叔度未須扶老且辭鳩杖
之筇好挈同心偕采鹿門之藥驂麟車而並駕撫鳳管
以俱飛尺素遠馳片言恭介將使萬年枝暖光搖北海
之樽卽看四照花開彩煥西園之筆

曾停雲明府暨配某宜人六十雙壽序

讀循吏傳朝歌成利器之材著養生書句漏得延年之術黃霸由潁川報最初屆曼齡陶潛自彭澤歸來卽成高士而況得天獨厚與物皆春來暮興歌作福星於一路去思寄慕頌生佛者萬家其澤彌長其神益固也我年伯停雲先生文章名世詩禮傳家方當窺豹之年早有食牛之氣勳翁九臯公愛其岐嶷加以陶甄焯掌則警枕難安糞心則經畬自廣訪謨鵠於嵩室盡入編摩尋逸典於酉陽咸資采伐與哲兄某公二龍並駕兩驥齊驅光武詔察茂才同居異等叔孫講增博士最重儒

拜經堂集

卷十一 聯體文上

五

庄伯吹壘而仲吹簾玉爲毘而金爲友駸駸乎到氏之居凌竹韓家之第稱桐矣先坐鸚鵡薦橫秋鹿鳴食野髭輕科第人哦韓愈之詩船喚孝廉士愛張憑之選頻偕北上遂注東銓試令赤畿握符望緊瀕陽古郡半爲凋劫之鄉上谷名都大有臯離之地屢知熾劇韋抗能寬猛得中一意拊循景時但始終不擾旣而卽眞獻縣密邇河間哀鴻雁而于野于垣受牛羊而求芻求牧栽花滿樹依然潘岳風流拔薶一叢不愧任棠物色放衙當樂陵臺畔行部至中水河邊日永琴堂脂膏不潤風清蒨屋桴鼓無聲茂宰之稱心傾乎大府神君之譽望重

乎同僚樂法才師表百城宜書上考房恭懿政成三輔
待轉崇班人咸謂薦牘一登頭銜將換矣而先生矢遂
初之志懷踰分之思官豈嬾於折腰事終防乎畫足季
鷹解組不待淒風平子歸田聊憑短賦從此忘情軒冕
適志林泉亭築三休圖古今之異蹟會聯五老結香火
之深緣情在是乎樂可知也德配某宜人壺儀自穆聞
範式垂發言則慧辨四聲紀事則工傳三絕篝燈佐讀
出成夫子之名雜佩遺寶入表女君之德迨乎親隨鳧
鳥遠降魚軒禮備笄珈資其內助光分擊鑑慰我同心
雖澤布長官有膏皆因甘雨而聲畱民母無人不仰慈
雲至於蘭尸有齋膠鬲不妬育神駒於渥水產威鳳於
丹山長君既業傳青箱諸季亦珍懷藍玉鸞回五色
九重之紫誥騰輝燕喜一門數領之斑衣濟美茲者年
齊周甲室慶添丁送到釋迦佳氣煥門閭之彩徵符靈
壽大年增鄉國之光梁孟齊眉原稱嘉耦藉咸接踵更
有比兒選秀蘭堵半水之芹爭采依光月殿一枝之桂
遂攀固知合境持鞬無以易閒居之樂前途臥轍未能
挽高蹈之踪也已某誼屬通家行居猶子逢稱觴之令
且進祝嘏之徽言秋水鱸肥如餐金菜春筵酒熟勝餌
玉漿鼎鑄長生詩歌偕老有懷遠道猶聞淄川高苑之

謠歸到家園卽是鑑湖剡川之曲

拜經堂集

卷十一

聯體文上

五



拜經堂集卷十一聯體文上

譚耀亭暨配陳淑人六十雙壽序

辛巳孟冬之月屆耀亭先生六十令辰德配陳淑人長君一歲花甲先周於是其太夫人壽已八旬有七矣夫松柏干霄必植根於秦衡之坂魚龍跋浪必育種於江海之波何則土厚則枝愈榮淵深則產彌盛荀覲終身色養齒過耆英老萊至性兒啼躬臻曼壽當其前扶鳩杖後奉板輿以錫羨爲承歡言不同於稱老以延齡爲養志善仍本於歸親禮自情生恩緣義起有由然也先生生而穎異長更聰強鑄安道之雞碑同堂色變斷張湯之鼠獄四座心驚大父某公深器之李孝基能世其拜經堂集

卷十一 駢體文上

五

家沈仲興無忝厥祖學方傳於里街聲已雋於庠黌鮮不謂勢借風雲身依日月矣嗚尊甫某公重入廚於漢室尊九府於周官而先生當強臺難上之秋承乾蔭下垂之際明珠美玉度秤閣中去馬來牛收量谷內治尹吉甫數百人之食祇覺其豪過石季倫三千碓之區尙嫌其嗇與令弟郁文先生璣篋迭奏杞梓交榮凡夫散伯式之資削君雲之券靡不肖心而出承勅無違同徵播穫之能益廣修崇之業遂使大邛世澤紀次及羣萬石家風奮親傳建長君旣鷹揚乎冀北諸子亦鵲起於湘南武緯文經科第原君家故物仁昭義立詩書卽仕

路先資福之隆也德之厚也先生頻懷西笑再賦北征
搜日下之舊聞作長安之客話問駿骨於黃金臺畔聽
律音於黍谷山前其時鄉人之官京師者若趙遂樓陶
雲汀彭寶臣聶蓉峯諸君類皆送抱推襟盟車誓笠極
名士敦槃之會皆先生跌蕩之場謝混之思羊欣易衣
乃見蔡邕之禮王粲倒屣而迎款款焉喁喁焉聞望重
於圭璋聲名榮於華袞已若乃行修於己善被乎人爲
一邑計科名造西域仰藍之塔爲一家聯世系創老泉
族譜之亭或岑鼎未行而柳季之言獨重或麥舟可指
而堯夫之誼非輕甦餓者於翳桑不矜言惠置喙人於
拜經堂集

卷七

聯體文上

五

樾蔭何假示恩迄今廣廈萬間宏堂構以遺後嗣官階
三品崇

襄封以答前徽畫棟千尋卽駟馬高門之左驗也

綸言五色卽蒲輪載道之先聲也積善降祥修德獲報
不其信乎德配陳淑人莊姝表度婉婉修儀采藻薦馨
牖下尸季蘭之祭折夔立教膝前著慈母之稱魯國諸
姬賢歸反馬漢家耶嫂憾弭夏羹故其事太夫人也洗
手作湯和衣侍疾歷數十霜如一日合兩三世爲一心
每當冬筍新嘗秋瓜繼進孫曾並列子婦成行誦女誠
之七篇都登寶笈奏姑恩之一曲卽度金鍼而先生定

省之餘詩歌偕老旨甘之外禮習同牢

紫泥自丹鳳銜來白玉由青鸞送至籌添甲子天倫之
樂事油然降紀庚寅堂上之歡心慰否余也備聞穆行
兼採臚言固知眉案春長萱幃晝永酌聖泉於洋湖之
口奉靈藥於龍尾之山將勝賞夫神鄉必移情於仙侶
得壽者相雅被光風與善人居偕遊化日愧無椽筆補
詩家潔白之章幸附星輶入罍吏汗青之簡云爾

拜經堂集

卷十一

新體文上

五

朱母黃大宜人九十壽序

天開壽岳神仙畱不老之丹地接茶鄉帝子紀曾遊之
石奮雲璈之逸響青鳥方來收寶囊之靈漿丹麟遞進
往還湖上樊湘媪舊挹清風信宿壇邊魏夫人遙傳秘
旨此蔚爲坤範常因美意以延年鍾作母儀亦含福星
而度世也惟我朱老伯母黃大宜人者莊姝表德端簡
修容誦葛覃三章言告師氏慕班昭四行聞之先姑靜
好瑟琴戒旦有鳴雞之警供張椀歲升堂無叱狗之聲
俱可採入閨箴勒成女誡然而清門燕喜必原於聖善
之風也

拜經堂集

卷十一

駢體文上

七

紫誥鸞迴九重乎義方之訓也大宜人祥符采芣兆叶
徵蘭天上石麒麟已荷釋迦送至懷中玉燕還從吉夢飛
來時則封翁某先生具浣雪之精神抱凌雲之志氣縱
橫一世十決十盪之才辟易千人八顧八廚之目出資
健婦黽勉有無居賴賢妻提攜幼弱蘇文忠慈闈傳業
稱此佳兒虞學士內壺授書知爲令器躬畫荻灰之字
手調熊膽之丸鄒嶧所以成三遷之教者此也馬氏一
門瑜珥與瑤環並重謝家諸子封胡偕過末同稱茲則
玉盡連城珠皆照乘伯仲則蛟騰鳳起望重園橋叔季
則虎視鷹揚名魁蕊榜萱心曲瘁文通武達之時筍味

初嘗家慶國恩之會遂登仕版大振門風嚴嫗所以致
萬石之譽者此也從來王母盡解含飴况是曾孫惟堪
擲果茲則戒江蕙之五木勿墜先芬守韋相之一經齊
傳舊德舉茂材之異等擢拔萃之高科左宮與右徵爭
鳴後雁共前鴻濟美洎桐枝之層見喜瓜瓞之再綿李
令伯上表陳情介福之貞既受宗元卿拊心載德象賢
之報益彰泰瑛所以流三世之澤者此也夫其子姓震
興孫曾鼎盛姜被有同眠之樂田荆無乖好之嫌計口
則吉甫之殷繁受田則子羹之沃衍咸需整理不倦耄
期固宜易揲家人象占風火禮隆內則服美副笄母以
拜經堂集

卷十一

駢體文上

栗

子榮膺

九重之寵命

恩從天至極二代之推崇欽其遇則命婦之班行迺其
床則箕疇之壽福今以某月日爲大宜人慶開百表之
辰郝夫人神明特茂宣文君教授不衰舞萊子之衣戲
添綠鬢側崔邠之帽親捧朱輪昔之人雖手詔褒存中
人迎勞上殿聞扶持之語入官見圖畫之容無以異也
文孫某君秉鐸錦江懷似續之深情思摘張乎洪算顧
余授簡俾佐稱觥竊惟拜母緣慳躋堂路遠匏宣雅奏
本無當於鈞天柏頌松銘偏自忘爲下里寫蟠桃之花

色歲紀三千增萼綠之玉光年逾九百好羞蘭膳雅補
陔南言樹草芽風歌堂背斟鄩湖之宿釀網秋水之細
鱗定知鳥奕賓筵與紀羣論交遊之雅會見摩挲慧眼
知房杜爲公輔之材

拜經堂集

卷十一

辨陽文上

堯

成母孔大宜人八十壽序

蓉里太明府大人綰赤緊之符作神明之宰法古儒者之治邑有絃歌奉大夫人以行身親色笑板輿前導河陽簇境內之花綵服先驅萊子效階前之舞讀不疑傳數問平反重元馭言環聽消息凡令君所張弛皆慈母所稟承今孟秋月上澣之吉爲

語封大宜人孔大宜人入裘悅辰合比戶之歡聲奏稱觴之雅唱禮也大宜人句章望姓魯國名姝端簡修儀族黨皆推爲尹吉嬖嬖協度姻親亦愛其閭媿及歸我贈公周池先生也梁案相莊鮑車對挽蘭尸表有齋之

拜經堂集

卷十一

駢體文十

本

敬葛覃師無斁之風其時堂上尊章閨中婢媪喜獲持門之婦樂觀鮪野之寶井曰親操斯稱家督篝燈佐讀是曰女宗夫子之名譽方成家人之吉占悉叶無何離鸞遽賦寡鵠堪悲室有佳兒敢忘折蘂之教家傳令緒恆懷畫荻之思集五色之鴛雛梧岡振羽領三秋之鶚薦桂殿蜚蜚聲蓋我蓉里明府旣舉於鄉旋試爲令牽絲入楚屢尹名邦製錦需才偏臨下邑大宜人出隨羽葆遠降魚軒辰水浪高西山峰峻地瘠磽而閩言屢及民雕劫而坤蔭常周故我蓉里明府凜萬石之闈箴遵三遷之母訓心勞撫字念切保障渤海以儉約爲先應居

上考信陽以廉平交勉不愧神君歷經盤錯之途期報
劬勞之德而大宜人長齋不厭多福自求謂好生者天
地之心而戒殺者菩提之性食惟一飽歎何曾空費萬
錢施到百指笑季氏但營六櫃慈悲似佛功德在人是
以驥子趨庭龍孫繞膝祁祁四世濟濟一堂采魯頌之
藻芹將周南之芣苢洵推內範聿著休徵茲者

紫誥恩頒榮分五品朱輪寵賁禮備六珈適開介壽之
筵彌慶躋堂之祝某等久瞻穆行同仰慈暉陶士行封
鮮銘心可形歌詠劉元佐織純示誠堪被管絃響奏仙
璫降瑤池之法曲星輝寶婺借月窟之秋光對北斗以
拜經堂集 卷十一 聯體文上 全

挹鴛漿倚南天而聽鶴唳誰非赤子皆希鞬鞞膾而來
我亦蒼生敢濡墨含毫以進

張母李夫人壽序

代

瓊樓十二西華環金母之宮碧水三千東海列瑤姬之館九疑山上萼綠年深少室巖邊陰符歲久被壽人於笙磬曾賡樂府之章縟列宿於羲娥藉補循蜚之紀固知金桃入夢卽是黃馮何必絳雪燒丹方稱姹女恭惟張母李夫人根盤李耳配適張星入門而祥女名高佐餒而威姑色喜言成規矩箋分徐淑之書動合禮儀榻下樊英之拜富平侯邑一萬戶紡績猶勤尹吉甫家數百人釶規悉當蓋邗上風推冠蓋舟車之會而封翁尤抱顧廚俊及之才著書則論愛桓寬選事則策收孔拜經堂集

卷十一

駢體文上

三

僅初承

渥澤需次監司再受

崇恩洊升都轉固已杜陵男子生平不作卑官三輔大人位望先歸奇士矣大夫人贊襄自內經緯從心座有名賢勸投孟公之轄門無雜客交指子敬之困寘重耳之盤殮名聞晉國執大家之箕帚譽滿漢宮雖生長素封不薄蘆簾紙閣卽身居丹穴常思布被練裙入治九柯賢雲普蔭三心五囑朗月交輝惠可旁敷恩及於嫻孀崽子慈能逮下歡騰乎赤腳長鬚是以瑞孕珠胎祥珍玉種謝家之封胡羯末並聚庭除馬氏之瑜珥瑤環

難爲兄弟芸憲課讀諸子皆丕振家聲蕊榜書名季君
且早恢門業承大參少參之次躋中諫小諫之先粉署
風清香蘭舊握柏臺霜重鐵柱新簪凡達情宣

德之謨悉停織斷機之訓此則封諸石窳齊侯來有禮
之褒邑以延鄉漢祖錫非常之典洵一時之異數應千
古而同榮也大夫人尊且彌謙貴而善下三牲之養歸
本乎祖功一鮓之遺恐糜乎官物凜仁恕無愆之戒識
邁憲英矢忠清自潔之修風追元馭膝前側帽寅階之
歲月方新花下含飴丙舍之神明依舊耳鳴陰德目養
晶光明當入秩之期預上三多之祝斯時也桃花浪煖
拜經堂集 卷十一 聯體文上 奎

池塘瑞靄輕飄楊柳風和陌巷晴烟暗裊跋北堂而進
禱開東閣以延賓無愆任只之心洵美展如之度望同
金姆像繪甘泉人是宣文經傳紗幔合一篇之華黍子
婦齊歌羅幾隊之斑衣孫曾共舞歲屢更而慈顏益茂
人雖老而闡範猶嚴彩煥瑤緘五千字丹文畫見香浮
芝檢六乙泥紫氣朝生某遊屐論交與封翁有雲霞之
契禮闈分校於季君成沈瀆之知誼比青藍情均縞紵
溯起居於八座徵純固於千秋循陔則日永護幃城臨
不夜受祉則籌添海屋酒介長春菊頌椒銘掩映
鸞回之紙魚軒翟芾輝煌燕喜之筵憲入王宮可垂陰

教傳爲內則堪備女箴此時三素雲開迓眾仙於瓊花
觀裏他日百齡歲滿續羣雅於瑞芍堂前

拜經堂集

卷十一 雜體文上

畝

張母陳太孺人七十壽序

將爲浮瓜沉李之遊地皆河朔試奏浩露秋霜之曲律
中製賓况乎館號長生城名不夜垂簾續史曹大家曾
享遐齡隔幔談經宣文君夙登上壽人言王母呼青鳥
以傳書坐有麻姑辨丹麟而進酒如張母陳太孺人者
嫠嫗協度靜灼表躬辨沈約之四聲幼推博士工靈芸
之三絕長擅針神爰以潁水之名姝字彼清河之貴胄
時則臨城公看花杏苑遂領雷封龍川清溪兩孝廉攀
桂蟾宮同魁蕊榜一門鼎盛半銅章墨綬之榮羣從英
標皆玉樹芝蘭之選故孺人之歸我湘浦先生也施馨
有訓乘几無違祥女人門侍御爲之色喜季蘭尸祭蘋
蘩於以薦馨隨孟母而卜芳鄰並梁妻而稱嘉耦箴成
女史無筴里之閒言曲紀姑思試羹湯之親手維時湘
浦先生丁年力學丙夜窮經念先人仕宦之遺欲恢門
業思累代科名之盛勉讀楹書孺人佐以篝燈供之枕
獻沈澤之延師受業資脩脯於細君樂羊子久客懷歸
斷機繅於內子卒使茂才科重聲雋一夔弟子員多名
高三舍此先生克家之志事亦孺人內助之徽柔也先
生有陳遵投轄之風劉裕喝盧之概五經膏至束帶先
迎三雅晨飛傾衿作禮孺人屏當出入黽勉有無房杜

偕來窺經綸於王婦阮稽並集讓識度於山公強子高
於千鐘十楹之間咸資指畫奉夏俟以四馬百人之食
亦見精神蓋其平日女布男錢經營盡善梅蘇韭茗調
劑得宜爲親串廣餉遺爲閭里宏推解賢雲普蔭花姑
偕竹母傾心德水均霑龍媪與鴉娘額手固宜慈能名
福和以致祥頂認石麟降奇珍於天上懷飛玉燕誕英
物於人間家法長存博陵遂傳六子門風近在秦雍何
止五辛或策步於膠庠或蜚聲於壁水式稟折夔之教
用成拾芥之名茲者書屈七旬時當三伏斑衣隊裏王
氏龍超畫錦堂中賈家彪怒瓜還歸颺膝前之珠顆庚
拜經堂集

卷十一

駢體文上

李

庚桐必長枝階下之玉芽午午圖開五嶽藉家慶以娛
賓禮備六珈邀

國恩而壽母興言及此其樂可知某露冕觀風旣稔闔
範於超亭徐君之口班荆訪舊復悉閨型於敘齋陳子
之言約舉嶽音如宣雅奏備陳穆行卽是仙丹客誠雪
藕調冰進樂府壽人之詠我亦畚鞬鞠脰歌闕宮燕喜
之詩

洪母張太孺人七十壽序代

往余以甲寅舉於鄉，獲交洪君翽岡。始則椎投博浪，誤中乎副車；繼且書獻賢能，同登於天府。酒醋拔劍，恒舉婦簾燈炮；論文問稱，家督采蘋采藻，扇牖下之清風。佩燧佩鱗，揚閩中之令則垂諸青史；昭我彤徽，洵哉其無愧也。已駒隙易馳，萍踪難聚。余近雖假歸梓里，翽岡乃遽返道山。今冬其哲嗣某等，魚信遙通，雁書屢至，盟申息壤，懷託微波。則北堂張大孺人七十誕辰，將開介壽之筵，用索侑觴之製，以札僑之交誼。兼孔李之通家，敢謝不文，致虛所請。余維中和之德，振美於陳碑端；操之拜經堂集。

卷十一 聯體文上

七

蹤流輝於晉贊，孺人清河淑質。伯水名姝，姓字無待於鑄。茗風神有逾於詠絮，而尊人竹塹先生造儒林之樸學，爲黨塾之經師，典緝緝繩，繩箋存褐瓦，伏馬融於閣外，不讓大家。授晁錯於濟南，是真博士。愛如韓姑，孔武相攸。賢若孟光，長年擇對，方設延明之坐，必興王肅之門。此一時也。及歸我翽岡，同年也。萊畚同操，柎車共挽。劉綱得神仙之耦，冀缺肅鑑，餉之賓。其時堂有尊章，室無妯娌。作羹洗手，先問小姑。執帚劬心，實資健婦。樂曾參之養志，佐杜孝之娛親。椎髻而前，掃粉確脂。奩之氣捧，匣以進。暢菊銘椒頌之音，玉綴照於房幃。蕙風盈於姻。

黨此又一時也。黜岡長卿善病平子工愁青對十年之
衿黃披終日之卷賴孺人葦藍朝采蠹薨夕備畱賓則
杯遞聖賢鍊藥則火調文武遂使鶴袍未改仍逐槐忙
鐵硯將穿何關桑姓上頭夫壻聊濶跡於寰中小謫仙
人定畱名於日下儒門淡泊心苦熬波矮屋蕭騷鬢憂
出素此又一時也。旣而阜垂半莖柱折一枝蕊榜香浮
歡騰內子泥金色動喜溢細君瀟湘雲水之鄉燕趙風
塵之地裁衣寄遠得句懷歸喚到吟船增孝廉之聲價
移來講席換山長之頭銜羔雁爭迎稽古之榮至矣琴
尊閒作居家之樂陶然回思烹季偉之雞但知色養辭
拜經堂集

卷十一

雜體文上

交

黔婁之粟相對食貧欣戚殊途苑枯異致此又一時也
猶憶某年月日余偶過攸輿訪黜岡於東山書院見諸
哲嗣亭亭映月皎皎臨風嘶騷裏之聲知非凡驥鼓鯨
鮓之浪自異常鱗茲則乙夜歌詩名高三舍丁年食餼
譽滿一鬢文孫俱挺其英姿快壻亦標其俊望類皆營
心曲瘁菽畫分勤動佩韋弦言循規矩豈徒蘇長公之
志節勵自慈闈虞學士之文章成於母訓已哉歲臨協
洽月在橘涂梅已含胎柳將舒眼蘭陔日暖烏哺補束
哲之篇松梅雲開燕喜上奚斯之頌而孺人防儉於逸
圖匱於豐度不假修禲之辭謬自附壽人之曲惟是菴

張鞏鑑藉闡坤儀鏗耀珩璜式彰壺範本史官之常職
亦人子之至情論禮法則鍾郝齊驅知廢興則嬰陵互
證並臻絕頂應享遐齡庶幾芝檢金泥萬里之
恩光不遠梨眉齡背一家之眷屬皆春云爾

陳母鄧安人壽序

粵淮旃蒙作噩之歲律中蕤賓日躔鶉首爲陳母鄧老
安人懸帨令旦其嗣君柳坪少府適承府檄權尉辰陽
蘇珣至而訟牘清桑懌來而盜風息原其治行當有稟
階於是推愛日之忱切望雲之想壽人一曲譜自天邊
汝墳三章歌於境內效舞而人皆斑綵稱觴而客致象
尊禮也安人幼卽柔嘉長而淑慎父書能讀幽間師氏
之篇女誠克修婉婉碩人之質躋賃春之德曜案羨眉
齊慕提甕之少君車驚手挽上謹尊章之養下諧娣姒
之歡故禮備飾終無淚可彈孝水而恩周孤露有孀皆

拜經堂集

卷十一

駢體文上

七

仰慈雲時則踏逐槐忙夫子之名未立胎因蚌剖佳兒
之兆聿興庭種桂而畱芳屋牽蘿而待補煩擱褻服繇
定奇溫經紀朝饗粒皆辛苦持門則居宜健婦馘野則
出賴賢妻無何小醜跳梁嚴烽告警申息之門不敢聊
瑯之宅蕩然安人則宛轉將雛蒼黃避寇駭狐鳴於風
晨月夕竟欲何之防豕哭於劫後焚餘偏能無恙卒之
機槍電掃土宇鏡清藁砧以叙績得官板屋以從戎入
詠鸞回

紫誥寵及魚軒燕喜朱楣榮增翟裼然後知禮爲教本
德者福基跡其外舉內脩表大家之淑範實則左宜右

有爲民母之先聲也。今柳坪試吏湖湘，屢膺赤緊，遵聖
善之訓，黽勉官箴，積孺慕之誠，徘徊子舍，將濱南陔之
雅近，分東壁之輝，某誼繫同僚，情殷夙好，固知堂標射
鴨檻，暑觀魚江水，一條蜀山，于里簇板輿於花下，隊列
龍孫，飛鳩杖於階前行，分驥子宣文君講論，自若邠夫
人神明不衰，仰企徽音，此時方頌柏評松而進，有懷遠
道，他日應驂鸞控鶴而來。

淡然和尚七十壽序

從來上輩盡闡宗風自昔名山恆多老宿馬祖磨磚之
學鏡豈易成達摩面壁之功石猶能入白蓮社裏尋妙
旨於宗雷青箬湖邊覓芳踪於顧陸庭前柏樹暗合機
鋒廉外木犀深藏禪理此去來今之世界三生不過須
臾而戒定慧之法門片語胥關奧諦也淡然禪師雞園
上品鹿苑名宗幼絕四纏卽悟西來之意長通八解便
參覺後之因寶懺朝宣梵唄與魚山互答名香夜爇法
供隨獅坐偕陳許元度之難道林推求入妙劉遺民之
稱僧肇傾倒尤深任南頓北漸之各殊皆海闊天空之
拜經堂集 卷十一 辨體文上 三

無礙時則叢林大啟淨域宏開水洶曹溪香味自然入
口山爭嶽麓錫聲不假飛空廣引方袍共證菩提之果
重申戒律齊登般若之臺遂使暮鼓晨鐘響騰精舍長
松細草陰滿梵宮沐淨水於金流渡迷津乎寶筏百萬
軍魔王變相並化慈悲十八部弟子名經旁通智慧因
空悟色爲俗尋真訪懶瓚於衡山甯容雜客坐已公於
茅屋可賦新詩坡老談禪玉帶曾畱於佛印昌黎原道
緇衣亦贈於大顛斷去來心無非彼岸通外內典卽是
吾徒今僧臘適值古稀看天花爭呈瑞應待馬鳴而說
法招龍樹以盟心饌供伊蒲瀟座俱桑門之彥廚開香

積環階盡檀越之英然日月之慈燈重昏頓曉震雷霆
之剛杵舊夢常醒雖一鉢一瓶上人且匆匆以過而干
山千水大眾自得得而來某三界未超六時空禮才慚
太白敢託金仙宅遠香山難名禪伯打包漸慣聞西江
選佛之場拓盍爲生識長老轉輸之地桃花飯後梅子
熟時誦萬徧經而不倦遊眾香國而皆馨極樂界中四
大之真身不老毘羅城內千秋之好景長春我卜傳衣
試與說無生之話人歌祝嘏庶幾窺不二之門

拜經堂集駢體文卷上終

拜經堂集

卷十一

駢體文上

三

